



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Innocentius PP. VIII.

urn:nbn:de:hbz:466:1-13591

COLLEGIOR. PER BOIARIAM.

Dilectis filiis *Sigismundo de Fraunberg* Baroni in *Hage* & vitricis
sancti *Wolfgangi Frisingensis*: Dioc.

Hic: Balbanus.

Innocentius PP. VIII.

Venerabilis frater & dilecti filij salutem & Apostolicam benedictionē. Fuitis alias vos & quilibet vestrum in solidum iudices & commissarij auctoritate Apostolica super erigenda Præpositura in noua Ecclesia sancti *Wolfgangi Frisingen*: Dioc. deputati, prout in ipsis litteris plenius continetur, quæ ut debite mandentur executioni, & ut ipsa erectio prout est ordinatum, bene & opportunè fiat, volumus ac vobis mandamus ut fructus, redditus, & proventus ac eleemosynas dictæ Præposituræ in illius dotem iuxta litterarum prædictarum feriem, & non in alium vsum conuerti & exponi, aut ad alienas manus deuenire curetis & faciatis, contrariis non obstantibus quibuscunque. Datum *Romæ* apud sanctum *Petrum* sub annulo piscatoris, die prima Septembris, M. CCCC. LXXXVII. Pontificatus nostri anno tertio.

Innocentius PP. VIII.

Venerabilis frater salutem & apostolicam benedictionem. Mandauimus alias fraternitati tuæ, ut eleemosynas quæ pro dote Præposituræ erectæ in noua Ecclesia S. *Wolfgangi* tuæ dioc. per Christi fideles elargirentur nullo modo velles retrahere aut capere, sed in ipsam dotem conuerti permitteres iuxta ordinationem & mandatum nostrum prout in alio breui nostro desuper edito plenius continetur. Nuper autem accepimus fraternitatem tuam huic nostro breui non acquiescere, ex eo quod in illo non fit mentio prioris breuis ad te etiam directi, in quo te tanquam ordinarium hortamur velles perspicere & attendere, ut eleemosynæ quæ Ecclesiis tuæ Dioc. & maximè celebrioribus & magis deuotis offerrentur bene distribuerentur, & in bonos vsus sub excommunicationis pena conuerterentur. Quod si est ita causam legitimam non habes, cur breui priori non pareas. Ipse enim eleemosynæ non possunt nisi in bonos vsus conuerti si in dotem Præposituræ, prout est ordinatum à principio distribuuntur. Igitur denuo fraternitati tuæ præsentium tenore expressè præcipiendo mandamus, quatenus dictam erectionem nullo pacto impedias, & de ipsis eleemosynis te non intromittas, sed illas prout in litteris erectionis fuit ordinatum, in huiusmodi dotem conuerti omnino sinas. Contrariis non obstantibus quibuscunque. Datum *Romæ* apud sanctum *Petrum* sub annulo piscatoris, die prima Septembris, Millesimo Quadringentesimo LXXXVII. Pontificatus nostri anno tertio.

Innocentius PP. VIII.

Venerabilis frater & dilecti filij salutem & apostolicam benedictionem. Licet ex aliis litteris nostris in forma breuis ad vos coniunctim & diuisim directis, vobis sit plena attributa facultas procedendi ad totalem executionem litterarum bonæ memoriæ *Bartholomei de Maraschis* quondam Episcopi ciuitatis *Castelli*, tunc in.

partibus istis, apostolicæ sedis cum potestate legati de Latere nuntij, super erectione certæ Præposituræ ad petitionem dilecti filij *Sigismundi de Frauoberg*, Baronis & Domini loci in *Hage, Frisingensis* Dioc. & aliis in dictis litteris contentis editurum. Tamen quia ut accepimus magna huiusmodi executioni est interposita mora, ipseque *Sigismundus* qui multa de bonis sibi à Deo collatis pro dote dictæ Præposituræ dare proposuerat, propter mortem subsecutam dicti quondam Episcopi ante ipsarum litterarum executionem, dubitat, an ad ipsarum executionem procedere possitis. Nos ipsius *Sigismundi* piam mentem in bono eius proposito confortare cupientes vobis eandem potestatem & facultatem, in aliis nostris litteris vobis demandatas, tenore præsentium concedimus & impartimur procedendi in omnibus & per omnia ad executionem litterarum, dicti Episcopi ac nuntij perinde ac si ipse adhuc cum eadem potestate infra limites suæ legationis existeret, & ageret in humanis facientes oblationes de quibus in eisdem litteris mentio fit, iuxta illarum continentiam dictæ Præposituræ applicari, nec permittentes illas in alios vsus conuerti aut à quoquam distrahi vel diminui, contradictores per censuras ecclesiasticas, appellatione postposita compescendo, in contrarium facientibus non obstantibus quibuscumque. Datum Romæ apud S. *Petrum* sub annulo piscatoris die XIX. Maij M. CCCCLXXXIX. Pontificatus nostri anno quinto.

Venerabili fratri *Vdalrico* Episcopo *Adrimitan.* & dilectis filiis
Præposito Beate *Mariæ in Garfis Salisburgensis* Dioc.
& *Matthiæ Kyndt* Canonico *Eysseten.* Ecclesiarum.

Io. pe. *Arriabenus*

Venerabilis frater salutem & Apostolicam benedictionem. Alias ad instantiam dilecti filij nobilis viri *Sigismundi de Frauoberg* Baronis tuæ Dioc. mandauimus erigi tuam Præposituram in noua Ecclesia Sancti *Wolfgangi in der Schwindaw* in territorio & fundo ipsius *Sigismundi* constructa ex pia fidelium largitione Præposituramque huiusmodi tam ex eleemosynis quam propriis bonis eiusdem *Sigismundi* dotari volumus prout in aliis nostris in forma breuis desuper editis litteris plenius continetur. Nuper autem accepimus quod tua fraternitas nititur & vult huiusmodi eleemosynas retrahere, ac in alium & fortasse tuum vsus conuerrere ex quo idem *Sigismundus* indignatur & fieri hoc prohibet suaque se bona retracturum minatur quæ pro eadem Præpositura dotanda dedit si tua fraternitas perget hoc facere, unde dubitatur ne inter te & ipsum oriarur dissensio, erectio impediatur, & diuinus in dicta Ecclesia decrescat cultus. Quare nos pastoralis officio admoniti & supplicationibus circa hoc nobis porrectis inclinati fraternitatem tuam hortamur, eique apostolica auctoritate in virtute sanctæ obedientiæ mandamus, ut si est ita, eleemosynam huiusmodi auctoritate apostolica ad id deputatam nullo pacto retrahas aut capias, sed in ipsam dotem conuerti permittas iuxta ordinationem & mandatum nostrum, quibus te opponere non debes sed illis prompte parere, fungaris officio boni Prælati, & nobis erit gratum. Datum *Roma*, &c.

Venerabili fratri Episcopo *Frisingen.*

RAS